

AKHBAR : BERITA HARIAN
MUKA SURAT : 75
RUANGAN : WANITA & KELUARGA

Herbun Plaster dikesan mengandungi racun berjadual

Kuala Lumpur: Bahagian Regulatori Farmasi Negara (NPRA), Kementerian Kesihatan, menasihatkan orang ramai supaya menghentikan penggunaan Herbun Plaster selepas dikesan mengandungi racun berjadual, diphenhydramine.

Ketua Pengarah Kesihatan, Datuk Dr Noor Hisham Abdullah, berkata arahan berikutnya penerapan diphenhydramine di dalam produk tradisional sakit belakang, sendi dan otot itu sudah dibatalkan pendaftarannya.

Beliau dalam kenyataannya baru-baru ini berkata, pembatalan dilakukan Pihak Berkusa Kawalan Dadah (PBKD) dalam mesyuaratnya ke-339 pada 3 Oktober lalu.

"Diphenhydramine dan antihistamin dikawal di bawah Akta Racun 1952, tidak dibenarkan dalam formulasi produk tradisional. Hanya boleh diperoleh daripada doktor atau ahli farmasi untuk melegakan reaksi alahan."

"Kesan sampingan diphenhydramine termasuk ruam, gatal dan peningkatan kepekaan terhadap cahaya," katanya.

Justeru, Dr Noor Hisham menasihatkan orang ramai supaya tidak membeli atau menggunakan produk itu. Orang ramai yang sedang menggunakan Herbun Plaster dinasihatkan segera menghentikan penggunaannya.

Sementara itu beliau berkata, penjual produk diberi amaran menghentikan penjualan dan pengedaran produk serta-merta. Dingatkan di sini, penjual dan pengedaran produk terbabit melanggar Peraturan Kawalan dadah dan Kosmetik 1984.

"Individu yang melakukan kesalahan di bawah peraturan itu boleh dikenakan hukuman denda tidak melebihi RM25,000 atau penjara tidak melebihi tiga tahun atau kedua-duanya untuk kesalahan pertama.

"Denda tidak melebihi RM50,000 atau penjara tidak melebihi lima tahun atau kedua-duanya untuk kesalahan berikutnya."

"Syarikat boleh dikenakan denda sehingga RM50,00 untuk kesalahan pertama dan denda sehingga RM100,000 untuk kesalahan berikutnya," katanya.



Kesan sampingan diphenhydramine termasuk ruam, gatal dan peningkatan kepekaan terhadap cahaya.

*Dr Noor Hisham Abdullah,
Ketua Pengarah Kesihatan*